



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU POSAVSKE STRANKE

Broj: 03-07-6-387/14  
Sarajevo, 26. mart 2015. godine

## SADRŽAJ

MIŠLJENJE REVIZORA .....	3
1.UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Posavske stranke za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost koja bi se dobila izvršenom revizijom u prostorijama stranke.

**Na osnovu obavljenog pregleda godišnjeg finansijskog izvještaja za 2013. godinu, utvrđeno je da je Posavska stranka prekršila odredbe člana 11. i člana 12. stav (1) i (3) Zakona o finansiranju političkih stranaka.**

**Pregledom, odnosno kontrolom finansijskog izvještaja, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Posavske stranke za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Posavska stranka se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica ( 3-a )	0,00	0,00%
3	Prilozi pravnih lica ( 3-b )	0,00	0,00%
4	Prihodi od imovine ( 3-c )	0,00	0,02%
5	Prihodi od pr.lica ( 3-d )	0,00	0,00%
6	Prihodi od poklona ( 3-e )	1,85	0,01%
7	Prihodi iz budžeta ( 3-f )	18.401,20	99,99%
8	Prihodi od propag. ( 3-g )	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>18.403,05</b>	<b>100,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
<b>Izvori finansiranja (I+II)</b>		<b>18.403,05</b>	<b>100,00%</b>

U godišnjem finansijskom izvještaju Posavska stranka je iskazala ukupne rashode u iznosu od 12.747,65 KM.

## 2. PREDSTAVLJANJE POLITIČKE STRANKE

Naziv političke stranke je Politička organizacija POSAVSKA STRANKA. Skraćeni naziv je PS.

U registar političkih organizacija kod Općinskog suda u Orašju, Politička organizacija POSAVSKA STRANKA je upisana Rješenjem, broj: 025-O-Reg-10-000 066 od 19.04.2010. godine.

Sjedište političke stranke je u Orašju, 3. ulica 2g.

Lice ovlašteno za zastupanje političke organizacije je Ninoslav Sušilović, predsjednik.

Lice ovlašteno za podnošenje finansijskih izvještaja za 2013. godinu je Petar Dujmenović.

Prema podacima iz finansijskog izvještaja Posavska stranka ima sljedeće organizacione dijelove:

- Općinsku organizaciju Orašje,
- Općinsku organizaciju Domaljevac-Šamac i
- Općinsku organizaciju Odžak.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Posavske stranke za 2013. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Posavske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Služba za reviziju je izvršila pregled i kontrolu godišnjih finansijskih izvještaja Posavske stranke u periodu od 2010. do 2012. godinu, nakon čega su izdati izvještaji o pregledu sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2012. godinu, izdat je izvještaj o pregledu sa mišljenjem revizora, nalazima revizije i preporukama stranci: da uspostavi potpune evidencije o svim rashodima stranke, da finansijske izvještaje podnosi u formi koju je odobrila Centralna izborna komisija BiH, da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju 2013. godinu, utvrđeno je da se politička stranka ni u toj godini, nije pridržavala preporuka revizije, odnosno i dalje ne vodi potpune evidencije o svojim rashodima, finansijski izvještaj nije podnijela u skladu sa Pravilnikom o godišnjim finansijskim izvještajima koji je donijela Centralna izborna komisija BiH, nije ispoštovala propise koji regulišu volontiranje niti je ispoštovala porezne propise.

### **5. NALAZI I PREPORUKE REVIZIJE**

#### **5.1. NALAZI REVIZIJE**

**Posavska stranka nije ispoštovala odredbe člana 11. i člana 12. stav (1) i (3) Zakona o finansiranju političkih stranaka<sup>1</sup>.**

Na osnovu finansijskog izvještaja i finansijske dokumentacije koju je na zahtjev Centralne izborne komisije BiH dostavila politička stranka, utvrđeno je da ista nije uspostavila potpune i blagovremene evidencije o svojim rashodima, čime je prekršila odredbe člana 12. stav (1) Zakona o finansiranju

<sup>1</sup> U skladu sa odredbom člana 11. Zakona o finansiranju političkih stranaka politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

U skladu sa odredbom člana 12. stav (1) Zakona o finansiranju političkih stranaka stranka je obavezna voditi evidencije o svojim prihodima i rashodima, a u skladu sa odredbom člana 12. stav (3) istog zakona, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13).

političkih stranaka. Samim time što nije obračunala dio rashoda i nije ih iskazala u poslovnim knjigama, prekršila je odredbe člana 11. Zakona o finansiranju političkih stranaka, koji političkim strankama propisuje obavezu poštivanja računovodstvenih propisa.

Finansijski izvještaj stranka nije podnijela Centralnoj izbornoj komisiji BiH u skladu sa odredbama člana 12. stav (3) Zakona o finansiranju političkih stranaka, jer ga je sačinila na osnovu nepotpune i neblagovremene evidencije iz poslovnih knjiga.

- (1) Stranka nije obračunala i platila, a također u poslovnim knjigama i finansijskom izvještaju nije iskazala trošak niti obavezu po osnovu poreza i doprinosa, na isplatu gotovine fizičkom licu u iznosu od 6.140,00 KM koja ima karakter ličnog primanja, pa je opreziva u skladu sa poreznim propisima<sup>2</sup>.

Stranka je sredstva isplatila gotovinski, putem blagajne, pozivajući se na troškove toplog obroka i prijevoza po ugovoru o obavljanju volonterskog rada.

Posavska stranka nije ispoštovala ni propise kojim se uređuju prava volontera<sup>3</sup>. U skladu sa Zakonom o volontiranju "Službene novine Federacije BiH", broj 110/12), političke stranke ne mogu biti organizatori volontiranja, što je potvrdilo i Federalno ministarstvo pravde u svom odgovoru Centralnoj izbornoj komisiji BiH.<sup>4</sup>

Obzirom da politička stranka ne može biti organizator volontiranja, te da je sredstva isplatila fizičkom licu koje nije uposlenik stranke, u skladu sa poreznim propisima, bila je obavezna obračunati porez i doprinose na iznos od 6.140,00 KM, te po tom osnovu iskazati trošak u poslovnim knjigama i finansijskom izvještaju koji je podnijela Centralnoj izbornoj komisiji BiH.

- (2) Posavska stranka nije uspostavila blagovremene evidencije o troškovima zakupnine. U finansijskom izvještaju za 2013. godinu politička stranka je iskazala troškove zakupnine u iznosu od 2.925,00 KM, iako je u skladu sa ugovorom o zakupu poslovnog prostora koji je stranka zaključila sa fizičkim licem, zakupnina za 2013. godinu iznosila 1.800,00 KM. Radi neblagovremenih evidencija, politička stranka je dio zakupnine iz prethodne godine, u iznosu od 1.125,00 KM evidentirala kao zakupninu za 2013. godinu.

U skladu sa odredbama člana 11. i člana 12. stav (1) i (3) Zakona o finansiranju političkih stranaka, Posavska stranka je bila obavezna da u poslovnim knjigama i finansijskom izvještaju iskaže troškove u periodu u kome su isti nastali, bez obzira na momenat njihovog plaćanja.

## 5.2. PREPORUKE

*Preporučuje se Posavskoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da uspostavi blagovremene i potpune evidencije o svim rashodima stranke,*
- *da finansijske izvještaje podnosi u formi koju je odobrila Centralna izborna komisija BiH i*

<sup>2</sup> Zakon o porezu na dohodak ("Službene novine Federacije BiH", br. 10/08, 9/10, 44/11, 07/13 i 65/13) i Pravilnik o primjeni Zakona o porezu na dohodak ("Službene novine Federacije BiH", broj: 67/08, 4/10, 86/10, 10/11, 53/11, 20/12, 27/13, 71/13 i 90/13)

<sup>3</sup> Zakon o radu "Službene novine Federacije BiH", broj: 43/99, 32/00 i 29/03 i Zakon o volontiranju "Službene novine Federacije BiH", broj 110/12).

<sup>4</sup> Odgovor Federalnog ministarstva pravde Centralnoj izbornoj komisiji BiH, broj: 03-49-4498/13 od dana 05.11.2013. godine.

- *da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.*

## **Komentar**

Posavska stranka se nije očitovani na Preliminarni izvještaj o pregledu godišnjeg finansijskog izvještaja za 2013. godinu, pa je isti, u skladu sa odredbom člana 12. stav (4) Pravilnika o administrativnim procedurama pregleda, kontrole i revizije finansijskih izvještaja političkih stranaka postao konačan.

Šef Odsjeka za revizijske poslove

Sanja Tošović

Šef Službe za reviziju, revizor

mr.sc. Hasida Gušić